

政和五禮新儀



總校官庶吉士臣何思鈞

校對官主簿臣汪日贊

謄錄監生臣張鴻仁

欽定四庫全書

政和五禮新儀卷一百五十八

軍禮

命將出征儀上

受旌節

引見

造廟

宜社

告武成王廟

禡祭

師旋奏凱

御樓獻俘宣露布

受旌節

前一日儀鸞司設大將次於朝堂其日大將常服入就次執事者設禡位於東上閣門外階下設制誥箱於禡位之前少西持旌節者少南謁者引大將至就禡位北

向立揖東上閣門官宣有勅大將再拜躬聽口宣訖播
笏謁者二人持箱進於大將之前大將受訖次少府監
執事者交旌節大將俯伏興再拜播笏舞蹈又再拜訖
出文德殿門次端禮門入右昇龍門出宣德西偏門大
將勒所部兵衛并偏將裨將各建旗以正行列大將建
旗飾以
熊虎偏將建旗飾以烏
韋裨將建旒飾以龜蛇執擎旌節并押節人騎士槍牌
步兵樂工等分左右前導至第

引見

其日早大將常服入就殿門外次舍人引詣殿庭進當
殿陛北向立揖躬大將再拜興奏聖躬萬福又再拜引
大將少前躬致詞歸位再拜西出少頃舍人再拜再引
大將詣殿庭進當殿陛北向再拜訖引至東階揖升殿
近御前之左大將奏事稟方略訖降東階下殿再拜西
出

造廟

前期太史擇日太常寺具時日散告諸司前告二日儀

鷹司設告官以下次於常所設大將次於南門之外道
東西向前一日質明告官以下赴祠所清齋行事執事
官並集告官齋所肄儀太祝習讀祝文眡禮饌香幣次

贊者引監察御史點閱禮饌視牲克膂

凡告官大將行
事禮直官引餘

官贊
者引

乃還齋所未後一刻大官令帥宰人以鷹刀割牲

遂烹牲脯後有司帥其屬清掃廟之內外告日前三刻
禮直官贊者諸司職掌各服其服贊者先引宮闈令入
詣殿庭北向再拜升殿開室訖太常陳幣篚於神位之

左幣以帛祝版於神位之右置於殿香爐并合置於案上

御封香次設祭器藉以席光祿實之每位左十有二籩為

四行以右為上第一行魚鱸在前糗餌粉餐次之第二行乾榛在前乾棗彩鹽次之第三行鹿

脯在前榛實乾桃次之第四行稜在前芡栗次之右十有二豆為四行以左為

上第一行芹菹在前筍菹葵菹次之第二行菁菹在前韭菹配食次之第三行魚醢在前兔醢豚拍次之第

四行鹿鬣在前俎二一在籩前實以羊脰七體兩髀兩

端兩肩兩脅次之脊在中一在豆前實以豕脰七體其載如羊又俎六在豆右為

三重以北為上第一重一實以羊脰腸胃肺離肺二在上端離肺三次之腸三胃三又次之一

實以豕腥膚九橫載三重一實以羊熟腸胃肺一實以豕熟膚如載其腥第三重一實以羊熟十一體肩臂臑肫胛正脊一直脊一橫脊一長脊一短脊一代脊一背二骨以並肩臂臑在上端肫胛在下端脊膾在中一實以豕熟十一體其載如又俎二在胙俎之北實以羊豕皆羊在左豕在右豕牲首槃

一在室戶外之左實以毛血甄二一在鉶之前實以大羹一在籩

之左實以肝骨鉶三在甄之後籩豆之間實以羹加芼滑簋簠各二

在籩豆外二俎間簋在左簠在右簋實以稻梁梁在稻南簠實以黍稷稷在

黍南設犧罇一置於坫加勺幕置諸戶前楹間北向實以供內

法酒太常設燭於神位前洗二於東階之東盥洗在東爵洗在西壘

在洗東加勺篚在洗西南肆實以巾

若爵洗之篚則又寔以爵加坫執

壘篚者在於其後又設虛揖位於齋宮內道南及東神門外告官大將在南北向監察御史奉禮郎太祝太官令在北南向西上開瘞坎於西階之東北向方深取足容物設望瘞位於瘞坎之南告官大將北向監察御史東向奉禮郎太祝西向北上又設告官位於東階之東西向又設大將位於告官之南西向監察御史位於殿庭之南北向奉禮郎太祝太官令位於其後西上光祿

卿位於監察御史之東北向又設監察御史位於殿上之西東向奉禮太祝在東西向北上太官令於酒尊所北向告日未明太官令帥其屬實饌具畢引光祿卿入

定位贊者曰再拜光祿卿再拜升自西階

凡行事執官升降階準此

點眡禮饌畢次引監察御史升殿點閱陳設糾察不如儀者光祿卿還齋所餘官各服祭服引告官大將以下詣東神門外虛揖位禮直官贊揖訖贊者引監察御史奉禮郎太祝太官令先入就位次引告官并大將各入

就位立受祠祭官於殿上贊奉神主次引宮闈令入室

搢笏於祐室內奉神主設於座

奉神主詣神幄內於後啟遷設於座以白羅巾

覆之執笏退復執事位祠祭官於殿上贊奉神主訖禮直

官稍前贊有司謹具請行事贊者曰再拜在位者皆再

拜引監察御史奉禮郎太祝太官令升就位立定次引

告官詣盥洗位北向立搢笏盥手帨手執笏升詣僖祖

室神位前搢笏跪三上香引奉禮郎搢笏西向跪執事

者以幣授奉禮郎奉禮郎以幣授告官訖執笏興詣次

室以俟告官受幣奉奠訖執笏俯伏興再拜訖引告官
以次詣翼祖宣祖太祖太宗真宗仁宗英宗神宗哲宗
室奉奠並如上儀降復位少頃引告官再詣盥洗位北
向立搯笏盥手悅手執笏詣爵洗位北向立搯笏洗爵
拭爵以爵授執事者執笏升詣僖祖酒尊所西向立執
事者以爵授執事者執笏詣僖祖神位前搯笏跪執事
者以爵授告官告官執爵跪三祭酒奠爵執笏俯伏興
出室戶外北向少立太祝搯笏於室戶外之右東向跪

讀祝文訖祝文隨時撰述執笏興復位告官再拜訖引告官

以次詣翼祖宣祖太祖太宗真宗仁宗英宗神宗哲宗

室酌獻並如上儀降復位禮直官曰賜胙贊者曰再拜

告官大將以下皆再拜祠祭官於殿上贊奉神主入祐

室引宮闈令搢笏奉神主入祐室訖宮闈令先捧匱置於神位納神主於

匱訖捧匱入祐室次引告官大將詣望瘞位有司詣神位前取

祝幣置於瘞坎次引監察御史奉禮郎太祝降望瘞位

立定禮直官曰可瘞置土半坎引告官以下復詣東神

門外虛揖位對立禮直官贊禮畢揖訖退太官令帥其屬徹禮饌監察御史升殿監眡收徹訖退宮闈令闔戶以降太常藏祝板於匱若凱旋祭告惟陳俘馘及軍實於南門之外北面東上其告禮並如上儀

宜社

前期太史擇日太常寺以時日散告諸司前告二日儀鷹司設告官以下次於常設所設大將次於設宮北門之外道西東向前一日質明告官以下赴祠所清齋行

事執事官並集告官齋所肆儀太祝習讀祝文眡禮饌

香玉幣次贊者引監察御史點視禮饌視牲克膋凡告將行

事禮直官引齋所未後一刻太常令帥宰人以鸞刀

割牲遂烹牲脯後有司帥其屬掃除壇之上下告日前

三刻禮直官贊者諸司職掌各服其服太常設神位席

太史設神位版於壇上南方北向太常陳幣筐於神位

之左禮神之玉奠於神前瘞玉加於幣玉以兩圭有邸幣以黑祝版於神位之右置

於坵香爐並合置於案上以御封香次設祭器藉以席光祿

實之每位各左十有二籩為三行以右為上

第一行彩
鹽在前魚

鱸糗餌粉餐次之第二行榛實在前乾桃乾
撩乾棗次之第三行菱在前芡栗鹿脯次之

右十有二

豆為三行以左為上

第一行芹菹在前筍菹菁菹次之
第二行韭菹在前配食魚醢兔醢

次之第三行豚拍在前
鹿醢醢醢糝食次之

俎二一在籩前

實以羊腥七體
兩脾兩肩兩脅

并脊兩脾在兩端兩
肩兩脅次之脊在中

一在豆前

實以豕腥七
體其載如羊

又俎六在

豆右為三重以北為上

第一重一實以羊腥腸胃肺離
肺二在其上端離肺三次之腸

三胃三又次之一實以豕腥膚九橫載第二重一實以
羊熟腸胃肺一實以豕熟膚其載如腥第三重一實以

羊熟十一體肩臂臑肫脰正脊一直脊一橫脊一長脅一短
脅一代脅一皆二骨以並肩臂臑在上端肫脰在下端脊

魯在中一寔以豕熟十一體其載如羊皆羊在左豕在右槃一在神前實以血釗三在

槃之前籩豆之間實以羹加芼滑簋各二在籩豆外二俎間

簋在左簋在右簋實以稻梁梁在稻南簋實以黍稷稷在黍南設犧尊一置於

坫加勺冪在壇上西北隅南向實以供內法酒太常設燭於神

位前洗二於印階之東盥洗在東爵洗在西罍在洗東加勺篚在

洗西南肆實以巾若爵洗之篚則又實以爵加坫執罍篚者位於其後

又設虛揖位於壇東告官大將在南北向監察御史奉

禮郎太祝太官令在北南向西上開瘞坎於子階之西

北南向方深取足容物設望瘞位於瘞坎之南告官大
將在南北向監察御史在東西向奉禮郎太祝在西東
向南上又設告官位於墉下南向監察御史位於兩壇
之間南向奉禮郎太祝太官令在其後東上光祿卿在
其西南向又設監察御史位於社壇上之東西向奉禮
郎太祝位於稷壇上之西東向南上太官令於酒尊所
南向告日未明太官令帥其屬實饌具畢引光祿卿入
就位贊者曰再拜光祿卿再拜升自印階

凡行事執事
官升降準此

點眊禮饌畢次引監察御史升壇點閱陳設糾察不如
儀者光祿卿還齋所餘官各服祭服次引監察御史奉
禮郎太祝大官令先入就位次引告官并大將就位立
定禮直官稍前贊有司謹具請行事贊者曰再拜在位
者皆再拜次引監察御史奉禮郎太祝大官令升壇各
就位大官令就酌尊所立定次引告官詣盥洗位南向立搯笏
盥手悅手執笏升詣太社神位前搯笏跪三上香次引
奉禮郎搯笏東向跪執事者以玉幣授奉禮郎奉禮郎

以玉幣授告官訖執笏興詣太稷壇以俟告官受玉幣
奉奠訖執笏俯伏興再拜次引告官詣太稷壇奉奠如
上儀降復位少頃引告官再詣盥洗位南向立搯笏盥
手帨手執笏詣爵洗位南向立搯笏洗爵拭爵以爵授
執事者執笏升詣太社酒尊所東向立執事者以爵授
告官告官搯笏執爵尊者舉帛大官令酌酒告官以
爵授執事者執笏詣太社神位前搯笏跪執事者以爵
授告官告官執爵三祭酒奠爵執笏俯伏興少立引太

祝詣神位前西向播笏跪讀祝文訖祝文隨事撰述執笏興詣

太稷壇以俟告官再拜訖引告官以次詣太稷酒尊所

酌獻如上儀降復位禮直官曰賜胙贊者曰再拜告官

大將以下皆再拜受賜引告官詣望瘞位有司各詣神

位前取玉幣祝版置於瘞坎次引監察御史奉禮郎太

祝降詣望瘞位立定禮直官曰可瘞寘土半坎引告官

以下復詣虛揖位對立禮直官贊禮畢揖訖退太官令

帥其屬徹禮饌引監察御史升壇監視收徹訖退若凱

旋祭告唯陳俘馘及軍實於北門之外南面西上其告
禮並如上儀

政和五禮新儀卷一百五十八

欽定四庫全書

政和五禮新儀卷一百五十九

軍禮

命將出征儀下

告武成王廟

前期太史擇日太常寺具時日散告諸司前告二日儀
鷹司設告官以下次於祠所又設大將次於廟南門之
外道東西向前一日質明告官以下赴祠所清齋執事

官並集告官齋所肄儀太祝習讀祝文眡禮饌香幣退

告曰前三刻禮直官贊者諸司職掌各服其服太常陳

幣篚於神位之左幣用白祝版於神位之右置於坫香爐

并合置於案上以御封香次設祭器藉以席光祿實之每位

各左一籩實以鹿脯右一豆實以鹿豨犧尊一置於坫加勺幕在

於殿堂上前楹間北向實以供內法酒太常設燭於神

位前置二洗於東階之東盥洗在東爵洗在西壘在洗

東加勺篚在洗西南肆實以巾若爵洗之篚則又實以爵加坫執壘篚

者位於其後開瘞坎於殿後之西北壬地方深取足容
物設望瘞位於瘞坎之南告官北向大將位於西東向
奉禮郎太祝太官令位於東西向南上設告官位於東
階之東西向又設大將位於告官之南西向奉禮郎太
祝太官令位於殿庭之南北向西上又設奉禮郎太祝
位於殿上之東西向北上太官令於酒尊所北向告日
未明大官令帥其屬實饌具畢告官以下各服祭服贊
者引奉禮郎太祝太官令先入就位

告官大將禮直官
引餘官贊者引

次禮直官引告官并大將入就位立定禮直官稍前贊

有司謹具請行事贊者曰再拜在位者皆再拜次引奉

禮郎太祝太官令升自東階

凡行事執事官升降皆準此

就位次引

告官詣盥洗位北向立搯笏盥手帨手執笏升詣神位

前搯笏跪三上香次引奉禮郎搯笏西向跪執事者以

幣授奉禮郎奉禮郎奉幣授告官訖執笏興復位告官

受幣奉奠訖執笏俯伏興再拜降復位少頃引告官再

詣盥洗位北向立搯笏盥手帨手執笏詣爵洗位北向

立播笏洗爵拭爵以爵授執事者執笏升詣尊所西向立執事者以爵授告官告官播笏執爵執尊者舉冪太

官令酌酒告官以爵授執事者執笏詣神位前北向立

播笏跪執事者以酒授告官告官執爵三祭酒奠爵執

笏俯伏興少立次引太祝詣神位前東播笏跪讀祝文

訖

祝文隨時
事撰述

執笏興復位告官再拜訖降復位次引告

官詣望瘞位有司詣神位前取祝幣置於瘞次引奉禮
郎太祝降詣望瘞位立定禮直告曰可瘞寘土半坎禮

直官曰禮畢引告官以下退

禡祭

前祭一日所司預於祭所設壝量地之宜建二旗於四

門之外各以地色又設黃帝神位於壝內近北南向以奉

熊置甲冑弓矢於神位之右建稍於其後祭日前三刻

禮直官贊者各服其服所司陳幣於神位之左幣以祝

版於神位之右置於坵香爐并合置於案上又設祭器

藉以席籩一在左實以鹿脯豆一在右實以鹿齏犧尊一置於坵

加勺冪在壝內之東南實以法酒設燭於神位前洗二位於

東階之東盥洗在東爵洗在西壘在洗東加勺筐在洗西南肆實

以巾若爵洗之筐則實以爵加坵執壘筐者位於其後開瘞坎於神

位之北壬地方深取足容物設望瘞位於瘞坎之南設

獻官位於壝之東門內西向奉禮郎太祝太官令位於

壝門內北向西上獻官將充奉禮郎太祝大官令以上以本處曹官充攝又設奉

禮郎太祝位於神位前之東西向北上太官令位於酒

尊所北向質明太官令帥其屬實饌具畢獻官具戎服

餘官常服贊者引奉禮郎太祝太官令先入就位獻官禮直

官引餘官贊者引禮直官引獻官就位禮直官稍前贊有司謹

具請行事贊者曰再拜引奉禮郎太祝太官令各就位

次引獻官詣盥洗位北向立盥手悅手詣神位前跪三

上香次引奉禮郎播笏西向跪執事者以幣授奉禮郎

奉禮郎奉幣授獻官訖執笏興復位獻官受幣奉奠訖

俯伏興再拜退復位少頃引獻官再詣盥洗位北向立

盥手悅手詣爵洗位北向立洗爵拭爵以爵授執事者

詣酒尊所西向立以爵授獻官獻官執爵尊者舉冪
太官令酌酒獻官以爵授執事者詣神位前北向立執

事者以爵授獻官獻官跪執爵三祭酒奠酒俯伏興少

立次引太祝詣神位前東向搯笏跪讀祝文訖

祝文隨時事撰

述執笏興復位獻官再拜訖退復位次引獻官以下詣

望瘞位有司詣神位前取祝幣置於瘞坎次引奉禮郎

太祝詣望瘞位立定禮直官曰可瘞寘土半坎禮直官

贊禮畢引獻官以下退

師旋奏凱

某日大將勒所部兵衛執俘陳於都門外鼓吹令丞押
凱樂分前後二部並其次第陳列將入都門鼓吹振作

送奏樂歌

其詞隨時
事撰述

行至太廟及太社門工人下馬陳

列於門外奏歌曲俟告獻禮畢復導引奏曲至宣德門
樓前兵仗外二十步樂工皆下馬徐行前進兵部尚書
於中路前導至樓下次協律郎二人公服執麾分導鼓
吹令引樂工等至獻俘位之南面重行立定大司樂於

樂工之前俯伏跪奏具官臣某言請奏凱樂協律郎舉
麾鼓吹大作徧奏樂曲協律郎偃麾樂止大司樂又跪
奏臣某言奏凱樂畢兵部尚書大司樂進協律郎導鼓
吹令引樂工等並於兵仗外序立次引復入獻如別儀

御樓獻俘宣露布

前期殿中監帥其屬尚舍設御座於宣德門樓上前楹
當中南向又設御幄於御座之右北儀鸞司分設文武
百僚及獻俘將校次於樓下之左右隨地之宜其日未

明尚書兵部率其屬陳列黃麾大仗於樓前東上閣門
御史臺太常寺設文武百僚等班位並如受降之儀又
設獻俘位於樓前少南又設獻俘將校位於獻俘位之
北刑部尚書奏請獻俘位又於其北並北向門下侍郎
受露布於樓下之東兵部尚書位於其南並西向文武
百僚諸方客使各赴樓前就位次皇帝常服出內東門
先知客省事以下六尚局應奉官祇應武功大夫至保
義郎知內侍省事以下帶御器械官鬪班立定屏門開

先禁衛諸班親從等迎駕自贊常起居次知客省事以下知內侍省事以下常起居次樓上侍立知樞密院官

翰林學士承旨宣名常起居貯廊南管軍臣僚宣名常

起居訖

管軍臣僚導從駕至僚門導赴樓下侍立

皇帝乘輿升宣德門樓降

輿歸御幄禮直官舍人分引文武百僚就位立定樓下

東上閣門進班齊牌以紅條袋引升樓上東上閣門附內侍進訖內侍承旨索扇扇合皇帝即御座簾捲內侍又贊扇扇開侍衛如常儀諸班親從并裏圍人等迎駕自

贊常起居次舍人贊執儀將士常起居次禮直官舍人
分引文武百僚橫行北向贊曰拜在位官皆再拜搢笏
舞蹈三稱萬歲又再拜班首奏聖躬萬福又再拜訖禮
直官舍人分引各就東西序立次樓上侍臣承旨進詣
樓前宣引獻俘宣訖將校執俘就北面位立定東上閣
門官引露布案於樓前北向稱宣附訖附門下省東上
閣門官案西東向立引門下侍郎於案南北向搢笏跪
提點承受闕即行於案上捧露布躬授門下侍郎俯伏

首承受

興置案於近北東上閣門官隨案退門下侍郎以露布
傳授通事舍人折方南行誥文武班南宣宣訖通事舍
人捧露布跪授門下侍郎轉授兵部尚書次禮直官引
刑部尚書進當樓前俯伏跪進奏具官臣某言某使某
官某以某處所俘執獻請付所司奏訖復位以俟旨合
就刑者立於西廂東向禮直官引大理卿受之詣法場
准式若上命釋罪者通事舍人詣樓前南向宣有勅釋
縛釋縛訖俟命又東上閣門官宣制釋放

其詞學士院
隨事撰述

宣訖通事舍人贊謝恩拜再拜隨拜三稱萬歲訖於東

廂西向序立

如有賜物即臨時承旨宣賜贊謝恩如受降之儀

贊樓上侍立官

稱賀再拜禮直官舍人分引文武百僚橫行北向立定

贊者曰拜在位官皆再拜班首少前俯伏跪稱賀訖

其詞

中書省隨事撰述

俯伏興退復位贊曰拜在位官皆拜搢笏舞

蹈三稱萬歲又再拜東上閣門官進詣樓前承旨就班

者宣曰有制贊者曰拜在位官皆再拜宣答訖

其詞學士院隨

事撰述

贊者曰拜在位官皆再拜搢笏舞蹈三稱萬歲又

再拜分班樓上樞密院少進前俯伏跪奏稱具官臣某
言禮畢俯伏興退復位內侍承旨索扇扇合皇帝降座
簾降內侍省贊扇扇開所司承旨放仗樓下鳴鞭贊文
武百僚再拜訖退皇帝乘輿還內如常儀

政和五禮新儀卷一百五十九

欽定四庫全書

政和五禮新儀卷一百六十

軍禮

皇帝田獵儀上

時日

祭告

陳設

車駕詣田獵所

田獵

賜射餘獲

車駕還內

時日

仲冬之月太史擇日皇帝田獵於近郊

獵以剛日

祭告

皇帝將獵遣官告於宗廟社稷如常告之儀有司禡祭於田所設黃帝神位南向建稍於神位之後置甲冑弓

矢於神位之側設制幣籩豆尊坩篚罍並如命將出征
禡祭之儀

陳設

前期戶部尚書治徒庶侍郎會卒伍虞部萊所田之野
量地之廣狹以旌為和門殿中監帥其屬尚舍設御幄
殿於近北南向設東西閣於殿後之左右殿上前楹施
簾儀鸞司文武羣官次於幄殿門外之左右量地之宜
典儀設侍獵羣臣位於和門內之左右又設王公以下

從獵位於和門內之東南與侍獵羣臣班稍却重行異位西向北上又設百姓位於王公從獵位之南少東隨地之宜前獵一日未明兵部尚書建旗於所田之後諸將以鼓鐸鐳鏡帥士徒集於旗下毋得誼譁質明幣旗罰後至者兵部侍郎分申田令禁麇卵者與毒駕鹵簿仗自宣德門外以次排列如式

車駕詣田獵所

前期殿中監帥其屬尚舍設御幄於大慶殿後殿上前

楹施簾儀鸞司設導駕等官次於殿門之外大晟設宮
架於宣德門外稍南北向如式其日未明二刻諸侍衛
之官各服其器服乘黃令進木輅於宣德門內南向設
千牛將軍一員位於輅前北向門下侍郎一員位於左
輔之前贊者二人位又在其前通事舍人分引樞密院
事以下詣垂拱殿立班如常儀東上閣門附內侍進班
齊牌垂拱殿簾降皇帝乘輦出殿上少駐輦官迎駕自
殿常起居宣贊官上殿簾捲鳴鞭行門禁衛諸班親從

迎駕自贊常起居次舍人先贊知內侍省官以下常起居次樞密以下通班常起居贊祇候引駕樞密知客省事以下至簽書東上閣門官分左右立六部尚書局應奉官祇應通事大夫以下武功大夫以上並先退次管軍臣僚宣名常起居贊祇候引駕分左右前導輦降東階垂拱殿門外禁衛諸班親從自贊常起居皇帝至大慶殿後閣降輿入西閣導駕官以下就次各易其服少頃東上閣門御史臺太常寺分引左輔門下侍郎太僕

卿乘黃令詣大慶殿西階下立東向乘黃令位其後次

引導駕官在其後分東西相向立定以俟命奉迎前導

禮直官通事舍人引左輔奏請中嚴凡左輔門下侍郎奏請皆禮直官通

事舍人引少頃又奏外辦皇帝服武弁之服乘輿以出降自

西階稱警蹕如常儀宣贊舍人贊左輔以下常起居次

導駕官常起居已起居者止奏聖躬萬福太僕卿出詣木輅所攝衣

而升正立執轡導駕官前導帝出大慶殿門外至木輅

所千牛將軍前跪執轡左輔進詣輿前俯伏興跪奏左

輔具官臣某言請皇帝降輿升輅奏訖俯伏興退復位

凡左輔奏請準此 乘黃令稍前東向進木輅皇帝降輿升輅太

僕卿立授綏導駕官分左右前導門下侍郎進當輅前

俯伏跪奏門下侍郎具官臣某言請車駕進發奏訖俯

伏興退復位凡門下侍郎奏請準此 協律郎跪俯伏舉麾興工鼓

祝奏采茨之樂凡樂皆協律郎舉麾興工鼓祝而後作偃麾戛鼓而後止 車駕動稱警

蹕左輔先詣宣德門內以俟門下侍郎及贊者夾以出

千牛將軍夾輅而趨車駕將及宣德門至侍臣上馬所

門下侍郎奏請車駕少駐勅侍臣上馬左輔前承旨退
稱曰制可門下侍郎傳制稱侍臣上馬贊者承傳勅侍
臣上馬諸侍衛之官各督其屬左右翊駕在黃麾內行
寶郎奉八寶前導殿中監後部從導駕官夾侍侍臣上
馬率門下侍郎奏請車駕進發車駕動稱警蹕樂止鼓
吹振作小駕鹵簿前導詣田所車駕將至田所北和門
兵部尚書戎服乘馬奉引東上閤門御史臺分引文武
侍獵官諸方客使禮直官贊者引從獵官俱詣門外立

班再拜奉迎訖退內已起居者止車駕入門少駐文武

奏聖躬萬福

侍臣皆下馬導駕官步導入門車駕動千牛將軍夾輅

而趨至幄殿西階回輅南向導駕官分左右立千牛將

軍立於輅左左輔奏請皇帝降輅乘輿尚輦奉御進輿

於輿後皇帝降輅乘輿入幄殿侍衛如常儀皇帝降輿

歸後西閣簾降通事舍人承旨勅羣臣各還次以俟田

獵

政和五禮新儀卷一百六十

欽定四庫全書

政和五禮新儀卷一百六十一

軍禮

皇帝田獵儀下

田獵

皇帝將獵御史臺先引殿中侍御史入就位次禮直官
通事舍人等分引侍獵羣官就位內侍傳宣王公以下
從獵官並賜旋襪鞞子次引王公以下服所賜俱入幄

殿門內分班立定太僕進田馬於御幄之西階尚輦奉輿於殿後西閣近東南向左輔奏中嚴少頃又奏外辦簾卷皇帝乘輿以出警蹕侍衛如常儀至殿上少駐通事舍人贊隨駕從獵官奏聖躬萬福訖又贊謝恩拜王公以下再拜訖左輔詣輿前俯伏跪奏請皇帝降輿乘馬太僕卿授綏兵部尚書戎服步導將至幄殿門門下侍郎詣駕前俯伏跪奏請皇帝少駐勅從獵官上馬左輔前承旨退稱曰制可門下侍郎傳制從獵官上馬贊

者承傳勅從獵官上馬王公以下從獵官俱乘馬從後
兵部尚書乘馬奉引至圍前皇帝鼓行赴圍鼓吹令以
鼓六十陳於駕前東南西向六十於西南東向皆乘馬
各備簫角次將士皆馳入圍乃設驅逐之百有二十分
左右相向皇帝乘馬南向太僕卿斂大綏以從王公以
下皆帶弓矢陳於駕左右所司之屬又斂小綏以從遂
驅獸出於駕前近侍整飭弓矢以進皇帝受弓矢從禽
左而射之

每射中狐兔王公以下並下馬再拜賀

門下侍郎詣駕前俯伏

跪奏請皇帝觀獵奏訖皇帝乘馬南向王公以下各以

序射

若射中狐兔即下馬再拜謝

射訖乃止驅逐之騎驅逐之騎止

然後百姓獵田虞部建旗於園內從駕之鼓及諸軍之鼓俱振卒徒譟呼得禽者獻於旗下以備宗廟賓客庖厨之實其餘還以饋田家

賜射餘獲

前期殿中監帥其屬尚舍設御幄殿於射所南面又設東西閣於殿後有司設王公以下射席位於幄殿前之

東又設釋弓矢席位於殿門外之左右俱北上田將畢

張獸皮於御幄殿之南

量地遠近

陳所獲之禽於幄殿下已

南少東田既畢門下侍郎奏請皇帝觀射奏訖皇帝至
自田所王公以下並持弓矢分左右前導皇帝升幄侍

衛警蹕如常儀王公以下至幄殿門皆跪釋弓矢於位
禮直官舍人入以序列於庭門下侍郎奏請王公以下
射左輔前承旨退稱曰制可贊王公以下再拜訖出詣
門外位跪取弓矢入就射而中者立於東階西面依踈

密為序不中者立於西階其序依品並北上立定贊者
曰拜在位者皆再拜訖所司以次授於中者授訖俱復
位贊者曰拜在位者皆再拜左輔詣御座前跪奏禮畢
退皇帝乘輿歸殿後東閣簾降左輔奏解嚴禮直官舍
人引王公以下次出

車駕還內

前期殿中監帥其屬尚舍設御幄於大慶殿門外之東
南向其日皇帝觀射訖還幄殿後東閣所司轉仗衛鹵

簿於還塗如來儀文武百官客使等並先詣宣德門外
就次以俟立班奉迎乘黃令進木輅於幄殿門外南向
千牛將軍一員執長刀立於輅前尚輦奉御進輿於殿
後閣導駕官俱詣幄殿下奉迎左輔奏請中嚴少頃又
奏外辦簾卷皇帝服武弁服乘輿以出應導駕官等並
迎駕奏聖躬萬福訖步導出門外太僕卿先詣木輅所
攝衣而升正立執轡皇帝乘輿降自西階至木輅所左
輔奏請皇帝降輿升輅

有司仍具文輦若乘輦即奏云降輿乘輦

太僕卿正

立授綏千牛將軍馭駕如來儀門下侍郎奏請車駕進
發車駕動警蹕侍衛如常儀將至侍臣上馬所門下侍
郎奏請車駕少駐勅侍臣上馬左輔前承旨退稱曰制
可門下侍郎傳制稱侍臣上馬贊者承傳勅侍臣上馬
門下侍郎奏請車駕進發車駕動警蹕鼓吹諸軍樂振
作車駕將至宣德門外文武百官立班再拜奉迎車駕
至宣德門外少駐文武侍臣皆下馬步導千牛將軍降
立於輅右車駕動千牛將軍夾輅而趨大樂正令奏采

茨之曲入門樂止車駕至御幄前左輔奏請皇帝降輅

乘輿

若乘輦即奏云降輦

皇帝降輅乘輿以入至大慶殿後閣左

輔奏解嚴通事舍人承旨勅羣官還次將士各還其所

政和五禮新儀卷一百六十一

欽定四庫全書

政和五禮新儀卷一百六十二

軍禮

冊命諸王大臣儀

陳設

臨軒冊命

陳設

前期殿中監帥其屬尚舍張設垂拱大慶殿門之內設

御座於大慶殿當中南向設東西房於御座之左右稍
 北設東西閣於殿後之左右殿上前楹施簾設香案於
 丹墀螭壁間大晟展宮架之樂於殿庭橫街之南設協
 律郎舉麾位於宮架西北東南大司樂押樂位於宮架
 之北北向儀鸞司設受冊者次於右昇龍門裏近地東
 向文武百僚應行事官次於大慶殿門外及朝堂之內
 外又設冊案位次於殿後東廂南向

前一日尚書工部奉冊進入

其

日尚輦陳輿輦於龍池繖扇於沙墀太僕陳五輅於庭

玉輅在其中金輅在其東象輅次之革輅在其西木輅次之玉輅稍前俱北向尚輦列御馬於龍墀在御輦之後東西相向金吾列仗陳旂幟兵部帥其屬設黃麾半伏於殿外之內外典儀設左輔承制位於御座之東西向又設受冊者位於殿庭橫街之南北向設權置冊褥位於近東稍北向又於受冊位前東北西向設褥位一以俟右弼奉冊又於奉冊位之北設褥位一以俟左輔宣制右弼讀冊應行事官位又於近北西向北為上典

儀於宮架東北贊者二人在南少退俱西南

臨軒冊命

其日未明前受冊者服朝服自第備本品南簿入右掖門至端禮門降車禮直官通事舍人贊引入右昇龍門就次質明闢大慶殿門文武百僚及應行事官入就次服朝服大樂正帥樂工先入就位協律郎入就舉麾位大司樂入就押樂位典儀帥贊者先入就位掌管內臣承旨降冊出垂拱殿門禮部職掌以次捧舉至大慶殿

後幄次以俟皇帝將出宮東上閤門引知樞密院事以下詣垂拱殿立班如常儀東上閤門附內侍進班齊牌垂拱殿簾降皇帝乘輦出至殿上少駐輦官迎駕自贊常起居宣贊官上殿簾卷鳴鞭行門禁衛諸班親從迎駕自贊常起居次舍人先贊知內侍省以下常起居次樞密以下通班常起居贊祇候引駕樞密知客省事以下至簽書東上閤門官分左右立六尚局應奉官祇應通事大夫以下武功大夫以下並先退管軍臣僚窄衣

執仗宣名常起居贊祇候引駕分左右前導輦降東階垂拱殿門外禁衛親從自贊常起居訖至大慶殿後管軍臣僚易公服執仗於殿階下分東西立侍武功大夫至武翼郎分立於龍墀上敦武郎至保義郎分立於沙墀上並重行東西相向皇帝降輦入西閣前導官易朝服詣御座前分左右侍立樞密院簽書樞密院知客省事以下簽書東上閣門官在東同知樞密院在西閣門以下各詣兩朶殿上不當祇應舍人並殿下西向立諸

將軍校先入分立殿門左右內外符寶郎俱詣閣奉迎
御史臺先引殿中侍御史一員先入就位次東上閣門
御史臺太常寺四方館分列三公以下文武百僚等入
詣大慶殿庭立班東西相向如正至朝會之儀禮直官
引右弼中書侍郎及捧冊官並詣大慶後幄次前立少
頃捧冊出幄次捧冊官帥執事人等捧舉以行禮直官
通事舍人前引中書侍郎押冊右弼從後援衛如儀由
大慶東過至大慶殿庭權制訖禮直官通事舍人贊引

受冊者立於殿門外之東西向禮直官通事舍人引左
 輔版奏中嚴內外符寶郎奉寶先出陳於御榻之左右
 少頃又引左輔版奏外辦皇帝服通天冠絳紗袍簾捲
 大樂正令撞黃鐘之鐘右五鐘皆應殿上鳴鞭禁衛諸
 班親從自贊常起居皇帝出西閣乘輦協律郎俯伏跪
 舉麾興工鼓祝宮架奏乾安之樂

凡樂皆協律郎舉麾
工鼓祝而後作偃麾

戛啟而後止

皇帝出自西房內侍承旨索扇扇合皇帝降輦

即御座簾卷內侍又贊扇扇開殿下鳴鞭戛啟樂止爐

煙升禮直官通事舍人引受冊者入樂作至位樂止典
儀曰再拜受冊者再拜播笏舞蹈又再拜奏聖躬萬福
又再拜訖引受冊者進東西向立禮直官通事舍人引

文武百僚俱橫行北向

兩省官學士待制以上將
軍以下依舊東西相向立

典儀

曰再拜贊者承傳在位官皆再拜播笏舞蹈又再拜班
首奏聖躬萬福又再拜分班禮直官通事舍人引受冊
者復受冊引左輔詣御座前承旨退降階宣制位稱有
制典儀曰再拜受冊者以下應在位官皆再拜左輔宣

制訖受冊者以下再拜左輔升復位禮直官通事舍人
 引右弼詣讀冊位中書侍郎引冊案立於右弼之右右
 弼搢笏捧冊跪讀訖興置於案典儀曰再拜受冊者再
 拜次引右弼詣奉冊位中書侍郎引冊案立於右弼之
 右右弼捧冊受冊者搢笏跪受訖興置於案舉案者退
立於其後
 右弼中書侍郎俱退位奉班典儀曰再拜受冊者再拜
 禮直官通事舍人引受冊者退樂作出門樂止左輔進
 當御座前俯伏跪奏稱左輔臣某言禮畢俯伏興復位

內侍承旨索扇扇合簾降鳴鞭大樂正令撞蕤賓之鐘
左右五鐘皆應協律郎俯伏跪舉麾興工鼓祝奏乾安
之樂皇帝降座入自東房還東閣侍衛如常儀內侍又
贊扇扇開夏啟樂止禮直官通事舍人引左輔版解嚴
所司承旨放仗應在位官俱再拜訖以次出

政和五禮新儀卷一百六十二

欽定四庫全書

政和五禮新儀卷一百六十三

軍禮

紫宸殿賀勝捷儀

大難儀

州縣儺儀

諸州歲貢儀

紫宸殿賀勝捷儀

垂拱殿皇帝將出宮讀奏目官以下橫行序立如望參

儀東上閣門附內侍進班齊牌皇帝出宮守踏道行門

禁衛諸班親從迎駕自贊常起居訖又自贊賀再拜訖

皇帝服鞞袍坐鳴鞭讀奏目官以下起居訖讀奏目官升降自東

階班首出班致詞稱賀歸位再拜如宣答又再拜次知內侍省

事以下帶御器械官公服鞞笏綴內侍近班次管軍臣僚各逐班先面西

立俟班到橫行贊起居稱賀並如上儀次行門起居稱

賀再拜訖俟舍人南階下直身奏班絕皇帝降座鳴鞭

詣紫宸殿後幄排立諸班親從迎駕自贊常起居初垂拱殿起居稱賀班將畢紫宸殿樞密以下大班入就位並如賀祥瑞立班之儀東上閤門附內侍進班齊牌皇帝御紫宸殿坐鳴鞭舍人揖樞密以下躬起當殿通某官姓名以下起居稱賀復位贊樞密以下再拜搢笏舞蹈又再拜班首奏聖躬萬福又再拜班首出班致詞稱賀復位又再拜搢笏舞蹈又再拜知東上閤門官當殿北向承旨訖西向稱有制樞密以下再拜宣答訖又再

拜舞蹈又再拜訖再鳴鞭樞密直學士自西階升殿侍

立知引進司東上閣門官以下殿庭東西向侍立餘官

分班出宣贊舍人退近南當庭中對立舍人西出文武百僚諸軍將校殿門

外序班立定知引進司官東上閣門官以下退立東階

下殿中侍御史一員先入就位次兩省次上將軍以下

分班入次舍人分引三公以下文武百僚入殿庭東西

相向立將校排列不盡者止殿門外立班舍人揖班首以下躬宣贊舍

人當殿通文武百僚宰臣三公通某官姓名以下起居稱賀

舍人引班首以下橫行北向

兩省上將軍
以下依舊立

並如賀祥瑞

立班之儀宣贊舍人揖左班近前舍人自班後詣東階

下立東上閣門官至通唱位舍人揖班首以下躬東上

閣門官贊再拜班首出班致詞稱賀復位樞密詣御座

前承旨退詣折檻東西向宣答班首以下再拜並如上

儀訖次東上閣門官揖宰相執政官升殿

並升自東階
中書侍郎升

自西階樞密
直學士出殿

贊拜東上閣門官還位引右班舍人由右

班前餘官分出次兩省次上將軍以下知引進司東上

閣門官以下還侍立位宣贊舍人復位次引進奉如儀
舍人合班躬奏無事皇帝降位鳴鞭知引進司官以下
並卷班出皇帝御垂拱殿三省樞密院臣僚奏事畢舍
人一員立殿門屏東候班退南階下直身奏閣門外無
公事皇帝降座還內

大儺儀

前一日所司奏聞俵子選年十二以上十五以下充著
假面衣赤布袴褶二十四人為一隊六人作一行凡四

隊執事者十二人著赤幘禱衣執鞭上人二人其一著假面黃金目蒙熊皮元衣朱裳右執戈左揚楯其一為唱帥著假面皮衣執捧鼓角各十合為一隊隊內有鼓吹令一員太卜令一員各監所部坐巫帥二人

令以下皆服手

中幘 袷太祝一員有司預脩每門雄雞及酒陳於宮城正

門皇城諸門礫禳設祭執事者開瘞坎各於皇城中門外之右方深取足容物先一日之夕儻者各赴集所具器服依次陳布以俟其日未明諸衛依時刻勒所部屯

門列仗入陳於階如常儀鼓吹令帥儼者案於宮門外
內侍詣皇帝所御殿前奏侂子備請遂疫奏訖出命內
侍伯六人分引儼者於宮門以次入鼓譟以進執戈揚
楯唱帥侂子和日甲作食殄腴胃食虎雄伯食魅騰簡
食不祥覽諸食咎伯竒食夢強梁祖明共食磔死寄生
委隨食觀錯斷食巨窮竒騰根共食蠱凡使一十二神
追惡鬼曰赫汝軀拉汝幹節解汝肉抽汝肺腸汝不急
去後者為糧周呼訖前后鼓譟而出諸隊各取門出郭

而上初儼者將出太祝布神席當中門南向出訖宰人帥執事者副牲旁磔之神席之西藉以席地北首執事酌酒太祝受而奠之祝史持版於座右跪讀祝文讀訖興奠版於席乃舉牲并酒瘞坎訖退

其內侍伯導引出門外止

州縣儼儀

方相氏州四人縣二人俱執戈楯

戈今用小戟

唱帥州四人

縣二人

方相唱帥並杖直充

俵子選年十三以上十五以下充

帥府

及上州六十人中下杖直八人四人執鼓四人執鞭前

州四十人縣二十人

夕前所司帥領儼者宿於州府門外

如縣亦

未辨色所司

白長吏請引儼者入質明執事者二人出門各執青麾

引儼者鼓譟呼以進方相氏執戈揚楯唱帥侘子和日

甲作食殄拂胃食虎雄伯食魅騰簡食不祥覽諸食咎

伯竒食夢強梁祖明共食磔死寄生委隨食觀錯斷食

巨窮竒騰根共食蠱凡使一十二神追惡鬼曰赫汝軀

拉汝幹節解汝肉抽汝肺腸汝不急去後者為糧周呼

訖執事者引之遍索諸室及門巷訖執事者引出所司

接引鼓譟出大門外為分四部各趨四城門出郭外而
止初儻者八祝史五人各帥執事者以酒脯各詣州府
門及城四門以俟酒以爵脯以籩縣亦如之及開瘞坎於諸
門之右方深取足容物儻者將出執事者酌酒脯於門
右祝史跪讀祝文讀訖興奠版於席乃舉酒脯瘞於坎
退

諸州歲貢儀

前期所司具貢物包匭長吏緘印書名如式所司設次

於長吏治所中門內之東西其日質明掃除廳事之前
望闕設香案布長吏以下席位於其後重行異位設貢
物案及幄次於香案之左訖長吏帥僚佐以下就次執
事者先引貢物入置於案又置進表案於貢物之前表置
案次引長吏并僚佐以下就席位立定長吏搢笏上香
訖執笏贊禮曰再拜在位者皆再拜執事者以授長吏
表藉長吏少前搢笏跪受表置於案執笏俯伏興退復
以箱位贊禮者曰再拜在位者皆再拜引長吏以下退

政和五禮新儀卷一百六十三

禮部五禮新儀卷一百六十四

禮部

禮部

禮部

禮部

禮部

政和五禮新儀卷一百六十三

欽定四庫全書

政和五禮新儀卷一百六十四

軍禮

合朔伐鼓儀

齋戒

陳設

祭器

伐鼓

齋戒

前一日質明行事執事官赴祠所請齋集告官齋所肄儀太祝習讀祝文眡禮饌玉幣訖退

陳設

前二日儀鸞司設行事執事官次於祠所告日前三刻禮直官贊者諸司職掌各服其服太常設神位席太史設神位版於壇上南方北向太常陳幣筐於神位之左禮神之玉奠於神前瘞玉加於輦

玉以兩圭有卽幣以黑

設祝版

於神位之右置於坵香爐并合置於案上以御封香次設祭

器藉以席光祿實之每位各左一籩實以鹿脯右一豆實以鹿臠

犧尊一置於坵加勺冪在壇上西北隅南向實以供內法酒太

常設燭於神位前洗二於卯階之東北向壘在洗東加

勺篚在洗西南肆實以巾若爵洗之篚則又實以爵加坵執壘篚者位

於其後開瘞坎於子階之西北設望瘞位於瘞坎之南

告官在南北向監察御史在東西向奉禮郎太祝太官

令在西東向南上設告官席位於北墉下光祿卿位於

壇之北監察御史位於告官之西奉禮郎太祝太官令
 位於其後俱南向東上又設監察御史位於壇上之東
 西向奉禮郎太祝位在西東向南上太官令於尊所南
 向社之四門并壇下近北各置鼓一並植以麾疏四門
 各依方色壇下以黃麾杠長一丈
疏長八尺

祭告

其日時前太官令帥其屬實饌具畢贊者引光祿卿入

詣壇下位南向

凡告官行事禮直
官引餘官贊者引

贊者曰再拜光祿卿

再拜升自卯階凡行事執事官升降準此點眡禮饌畢退餘官各服

祭服次引監察御史奉禮郎太祝太官令先入就位次

引告官入就位禮直官稍前贊有司謹具請行事贊者

曰再拜在位者皆再拜次引監察御史奉禮郎太祝太

官令升就位太官令就酌尊所立定次引告官詣盥洗位南向

立搯笏盥手帨手執笏升詣太社神位前搯笏跪三上

香次引奉禮郎搯笏西向跪執事者以玉幣授奉禮郎

奉禮郎以玉幣授告官訖執笏興復位告官受玉幣奠

訖執笏俯伏興再拜降復位少頃引告官再詣盥洗位
南向立搢笏盥手悅手詣爵洗位南向立搢笏洗爵拭
爵以爵授執事者執笏升詣酒尊所東向立執事者以
爵授告官搢笏執爵執事者舉冪太官令酌酒告官以
爵授執事者執笏詣太社神位前搢笏跪執事者以爵
授告官告官執爵三祭酒奠爵執笏俯伏興少立引太
祝詣神位前西向搢笏跪讀祝文訖執笏興復位告官
再拜降復位次引告官詣望瘞位有司詣神位前取玉

幣祝版置於瘞坎次引監察御史奉禮郎太祝詣望瘞
位立定禮直官曰可瘞寘土半坎禮直官贊禮畢引告

官以下退

其制
其制
其制

史局官一員立於壇下眡日鼓吹令帥工

人二十人依色服分置於鼓之左右以俟日有變太史

曰祥有變工人齊伐鼓明復太史稱北工人即罷其日

廢物百司守職

政和五禮新儀卷一百六十四

奉獻禮次

[Faded bleed-through text from the reverse side of the page, including characters like 禮, 儀, 奉, 獻, 禮, 次]